

永寧州志補遺複製說明

「永寧州志補遺」五卷，永寧州舉人修武謨輯，以補道光十六年黃培杰纂修「永寧州志」之遺漏者，於清咸丰四年刊行，原刻本版框大小不一，高十九至二十一公分，寬十二·五至十三·二公分。

在複製時除據正文次序擬具目錄附於序文之前外，並改正了十七個明顯的錯別字（見書末校字表），其他悉照原刻本。

複製本如有不妥之處，請讀者批評指正。

承四川省圖書館借給藏書，特以複製，謹此致謝。

貴州省圖書館

一九六四年九月

永寧州志補遺目次

序

卷一

聖廟紀畧 五代封王 避聖諱 聖誕齋戒
諸學 跪獻 跪拜 聖廟匾額 闕里聖廟
對聯 京師先師廟聯 祀至聖樂章 祀先
師祝文 祀五王祝文 祀關聖祝文

卷二

學額 節孝總坊 請建殉難孝子蕭枝松坊
奉諭續舉節孝

永寧州志補遺

目次

卷三

府志永寧輿圖說 營建補 炎帝宮 文昌
宮後殿 疏木城水道 三皇閣 培風閣
節孝祠 財神廟 鄧公池 崇報祠 壩陵
橋德政碑圖 灞陵橋德政碑序 井跋 治永
八圖 藝文 詩

卷四

藝文 記序傳

卷五

藝文 序書牘

序

歲在嘉慶丙寅十一年伴堂姪本讀書孔
章兄家得永甯州志抄本數卷殘缺過半
乃乾隆四十二年學博謝公廷薰先生作
也敬讀學校節孝兩部不禁感慨太息謂
名山不朽事業非志莫傳於是抱殘守缺
數十年議修不果道光十六年主講維風
書院歷經數載適 州刺史黃植圃父師

永寧州志補遺

序

一

以浙江名孝廉來牧斯土議請加額 武偕
進士楊君茂材終始襄事仰見刺史學富
才優亟以纂修州志請未期年修志事竣
學額猶未加也丁酉四月隨摺進京戊戌
三月蒙

奏准加增文額二名武額一名進小學為
中學永甯州學額甫定四月自京歸楊君
選授廣東西甯縣知縣父師黃調任黃平

歸途過黃承以修志未竣事諄切相囑後
刺史陞都勻郡伯以終養歸武衛齋長張
紹本黃有華姚煥章姚琳章李焜徐輝廷
等請建總坊改炎帝宮補修文閣後
殿修節孝祠凡地方緊要公事陸續告竣
植圃郡伯以坐補都勻回黔武晉謁於會
城公館請修州志補遺郡伯囑武歸即補
之逾年陳景溪刺史來署永篆整飭學

校齋長張紹德龍天培補修書院講堂武
仍主講書院亦以修志相囑咸豐二年
周竹樓刺史來牧永甯除暴安良實心贊
政齋長吳崇陽重建培風閣齋長黃河光
潘德深王世盛重修節孝祠新建崇報祠
十一月中勤民課士百廢俱舉惟賓興一
項未定議修州志未成也癸丑三年前
州牧周十夫刺史擢陞郡伯來署安順府

篆裁汰永甯學月俸陋規行諭新舊齋長
將從前治永時勸捐賓興一項撥歸賓興
正款蒙 父師鄒兩刺史大人加惠士林
振起而栽培之學校章程永垂不朽而州
志補遺之修洵不可緩矣爰將邇年紀載
近事據實直書並府志 先賢先儒事蹟
彙集成本呈請鑒閱囑門生龍運松繕寫
瞿昌期黃本厚同姪孫元勳校對刊板書

院以竣纂修州志事惟慙年迫衰老又無
學識未能修飾潤色表揚一州之盛不過
志其遺漏以備將來採擇猶是抱殘守缺
之意云咸豐四年歲在甲寅仲春月戊子
科舉人主講維風書院修武謨謹序

永寧州志補遺卷一

聖廟紀畧

世宗御製祭文廟詩

扶植綱常百代陳天將夫子覺斯民帝王師法成隆治兆
庶遵由臻至導道統常存今與古文明共仰聖而神功能
溯自生民後地闢天開第一人

五代封王

雍正元年春三月 諭曰至聖先師孔子道冠古今德參
天地樹百王之模範立萬世之宗師其為功於天下者至

永寧州志補遺

一

矣而水源木本積厚流光有開必先克為厥後則聖人之
祖考宜膺崇厚之哀封所以追溯前徽不忘所自也尋稽
舊制孔子之父叔梁紇於宋真宗時追封啟聖公自宋以
後歷代遵循而叔梁紇以上則向來未加封號亦未介化
祠庭朕仰體

皇考崇儒重道之臥心故修崇德報功之典禮意欲追封及

代並享蒸嘗用仲景仰之誠敬慰羹牆之慕內閣禮部可

會同確議具奏夏四月丁亥廷臣以孔子先世五代應俱

封公爵議上

上諭曰五倫為百行之本天地君親師人所宜重而天地君親之義又賴師教以明自古師道無過於孔子誠首出之聖也我

皇考崇儒重道超軼千古凡尊崇孔子典禮無不備至朕蒙皇考教育自幼讀書心切景仰欲再加尊崇更無可增之處故勅部追封孔子先世五代今部議封公上考歷代帝王皆有尊崇之典唐明皇封孔子為文宣王宋真宗加封至聖文宣王封孔子父叔梁紇為齊國公元加封孔子為大成至聖文宣王加封齊國公為啟聖王至明嘉靖時猶以

永寧州志補遺

二

王係臣爵改稱為至聖先師孔子改啟聖王為啟聖公王公雖同屬尊稱朕意以為王爵較尊孔子五代應否封王之處著問諸大臣具奏廷臣遵 旨更以追封王爵議上

詔追封木金父公為肇聖王祈父公為裕聖王防叔公為詒

聖王伯夏公為昌聖王叔梁公為啟聖王

闕里文獻考

避聖諱

雍正三年秋八月癸酉 諭內閣九卿等曰古有諱名之禮所以昭誠敬致尊崇也朕臨御以來恐臣民過於拘謹屢降諭旨凡與御名聲音相同字樣不必迴避近者各省

地方以音同而改易者頗多朕為天下主而四海臣民竭誠盡敬如此况孔子德高千古道冠百王正彝倫端風化為往聖繼絕學為萬世開太平自天子以至於庶人皆受師資之益而直省郡邑之名有聖諱字在內者今古相沿未改朕心深為不安爾等會議凡直省地名有同聖諱者或改讀某音或另易他字至於常用之際於此字作何迴避一並詳議具奏大學士九卿會議

園丘字應如故府州縣名交內閣擬字進呈山川鎮市交替撫更易報部至姓氏按通考大公之後以食采謝邱得姓

永寧州志補遺

三

今擬作邱至常用宜從古體作丘為允奏上 報可冬十二月庚辰又 諭內閣曰朕細思今文出於古文若改用北字是仍未嘗迴避也此字本有期音查毛詩及古文作期音者甚多嗣後除四書五經外凡遇此字並加卩為邱地名亦不必改易但加卩旁讀作期音庶乎允協足副尊崇先師至聖之意

闕里文獻考

聖誕齋戒

雍正五年春二月甲子 諭內閣曰三月十八日為

皇考聖祖仁皇帝萬壽聖節舊例於是日虔誠齋肅禁屠宰

今應永遠遵行至聖先師孔子師表萬世查八月二十七
日為聖誕之期亦應虔肅致敬朕惟

君師功德思被億載普天率土尊親之戴永永不忘而於誕
日尤當加謹以展恪恭思慕之忱非以佛誕為比擬也著
內閣九卿會同確議具奏僉曰應遵

聖諭恭值至聖誕辰内外文武各官及軍民人等致齋一日

不理刑名禁止屠宰永著為令

闕里文獻考

諸學

雍正二年春二月辛酉 諭曰帝王臨雍大典所以尊師

永寧州志補遺

四

重道為教化之本朕覽史冊所載多稱幸學而近日奏章
儀注相沿未改此臣下尊君之詞朕心有所未安今釋菜
伊邇朕將親詣行禮以後一應奏章記注稱幸非宜應改
為詣字

同上

跪獻

雍正四年秋八月丁卯

上親詣文廟釋奠凡進爵帛皆跪獻禮畢 諭禮部侍郎三

恭太常寺卿孫柱曰儀注內開獻帛進酒皆不跪今跪獻

非誤也若立獻於先師之前朕心有所不安將此諭眾知

之爾衙門可記檔案以後照此遵行

同上

跪拜

皇帝詣學禮止三獻六拜康熙二十三年

聖祖親釋奠於闕里禮官以國學儀注上奏奉首特改為

三跪九叩

高宗三幸曲阜皆行三跪九叩禮今且載之會典垂為令式

尊師重道實伊古以來所未有也

皇帝詣學親釋奠行兩跪六叩頭禮 幸魯親釋奠特行三

跪九叩頭禮

同上

永寧州志補遺

五

聖廟扁額

聖祖御書額曰萬世師表

世宗御書額曰生民未有

高宗御書額曰與天地參

仁宗御書額曰聖集大成

宣宗御書額曰聖協時中今

皇上御書額曰德齊懋載

闕里聖廟對聯

世宗御書聯曰先覺先知為萬古倫常立極至誠至聖與兩

闡功化同流又德冠生民漸地闢天開咸尊首出道隆聲
聖統金聲玉振共仰大成

高宗御書聯曰氣備四時與天地鬼神日月合其德教垂萬
世繼堯舜禹湯文武作之師又覺世瞻民詩書易象春秋
永重道法出類拔萃河海泰山麟鳳莫喻聖人又紹緒仰
斯文識大識小趨庭傳至教學禮學詩

此聯在聖廟詩禮堂

同上文獻考

京師先師廟聯

京師文廟在安定門內太學左乾隆三十二年 欽定大
門額曰先師廟二門額曰大成門殿額曰大成殿並

永寧州志補遺

六

御書題殿榜又殿內

御書聯曰氣備四時與天地鬼神日月合其德教垂萬世繼
堯舜禹湯文武作之師又齊家治國平天下信斯言也布
在方策率性修道致中和得其門者譬之宮牆

曰下葛聞考

祀至聖樂章

昭平迎神大哉孔子先覺先知與天地參萬世之師祥徵麟

紱韻答金絲日月旣揭乾坤清爽

宣平初獻予懷明德玉振金聲生民未有辰也大成俎豆千

古春秋上丁清酒旣載其香始升

秩平亞獻式禮莫愆升堂再獻響協鼓鏞誠孚靈獻肅肅雍

雍響髦斯彥禮陶樂淑相觀而善

叙平終獻自古在昔先民有作皮弁祭菜於論思樂惟天嘯

民惟聖時若羹倫攸叙至今木鐸

懿平徹先師有言祭則受福四海黌宮疇敢不肅禮成告

徹毋疏毋瀆樂所自生中原有菽

德平送鳧繹戔戔洙泗洋洋景行行止流澤無疆聿昭祀

事祀事孔明化我蒸民育我膠庠

祀先師祝文

永寧州志補遺

七

先師德隆千古道冠百王揭日月以常行日生民所未有

值文教昌明之會正禮節樂和之時辟雍鐘鼓成爲於於

馨香泮水膠庠益致嚴於邊豆茲當仲春伏祇率奠享肅厥

微忱聿將祀事配以復聖顏子宗聖曾子亞聖孟子述聖

子忍子尚享

祀五王祝文

惟王奕葉鍾祥九開聖緒盛德之後積久彌昌凡彝教所

覃敷率循源而溯本宜肅明禋之典用申守土之忱茲當

仲春春聿修祀事配以顏氏曾氏孔氏孟孫氏尚享

咸豐四年奉部頒祀闡聖樂章

格平迎神懿鑠兮焜煌神啟靈兮赫八方偉烈昭兮崇模祀

事明兮永光達精誠兮黍稷馨香儼如在兮洋洋

翊平初獻英颯颯兮神格思紛翠蓋兮龍旂軒桂醑兮盈卮

香始升兮明燄惟降鑿兮在茲流景柞兮翊昌時

恢平亞獻觴再酌兮告虔舞干戚兮合宮懸歆苾芬兮潔蠲

扇巍顯翼兮神功宣

靖平終獻鬱鬯兮三申羅邊蓋兮畢陳儀卒虔兮肅明禋

神降福兮宜民宜人

永寧州志補遺

八

奠平敬饌物惟備兮成有明德維馨兮神其受志徹兮禮終

罔咎佑我家邦兮孔厚

康平送神惝葆葳蕤兮神聿歸馭鳳軫兮騶虬駢降烟緜兮

餘紛緋願回靈盼兮德洽明威

康平送神焜蒿烈兮燎有輝神光送燭兮祥雲霏祭受福兮

茂典無違庶揚駿烈兮永奠疆畿

祀闡聖祝文

維帝浩氣凌霄丹心貫日扶正統而彰信義威震九州究

大節以篤忠貞名高三國神明如在徧祠宇於寰區靈應

丕昭薦馨香於歷代屢徵異蹟顯佑羣生恭值仲春
遵行祀典筵陳蓬豆凡奠牲醪尚饗秋嘉辰

祀三公祝文

維公世澤貽庥靈源積慶德能昌後爲生神武之英善則
歸親宜享尊崇之報列上公之封爵錫命優隆合三世以
肇禋典章明備恭逢仲春諏吉祇事薦馨尚饗秋

永寧州志補遺卷二

學額

按永寧州學原額每考取進文武生員各八名道光十八年州紳士呈請申詳會

通准加增文額二名武額一名每考取進文生員十名武生員九名定為例

奏會底

禮部等部謹

奏為遵

永寧州志補遺

一

旨議奏事道光十八年正月二十九日禮部抄出貴州巡撫賀長齡等題覆永寧州應考文武童生實在人數請加增學額一疏奉

旨該部議奏欽此欽遵到部查貴州永寧州學額進入名道光十七年該撫等以該州人文日盛應考生童共四百餘人題請將文武童生學額各增取四名以示鼓勵當經臣查該撫等所題係將生童合計並未確查應考文章名數分晰題明亦未將應考武童聲明人數奏明請

旨飭查在案茲據該撫等題稱查該州儒學冊內舊管文
生一百五十五名武生八十五名本年考試應考漢
苗文童四百二十二名武童三百二十六名較同郡
州縣應考人數實係有盈無絀請於原額取進文武
童生各八名之外加增四名並無冒濫等語臣等查
各省學額例有定制本不容輕議加增惟永寧州為
漢苗並處之地現據該撫等查明近年以來人文日
盛所屬民苗咸知誦讀本年考試應考文童四百餘
名是該州涵濡

聖化多士奮興自應將原設學額量予變通庶使苗疆士
子益加勸勉但該州原額例止八名今該撫等請於
額外加增四名為數未免過多臣等公同酌議應請
於原設學額八名外准其增額二名照該省普安廳
之例定為額進十名似於優恤之中仍足以昭限制
至該州應考武童人數據該撫聲明現有三百餘名
其武童學額兵部查貴州永寧州武童學額原定八
名今據該撫題稱考試應考文武童生較同郡州縣
實係有盈無絀請於原額取進八名之外加增四名

等語查文武童生事同一例但文童應試者四百二十
十二名武童應試者僅三百二十六名若照文童之
例亦加額二名似無區別臣部按數定額准其於原
設八名之外加增一名以昭平允所有臣等核議緣
由是否有當伏候

命下臣等行文該督撫學政遵奉施行再此摺係禮部主
稿合併聲明為此謹

奏請

旨

節孝總坊

在州城西關道光二十六年建為棠棠詳請

旌表以維風化事棠據州屬進士前任西寧縣知縣楊茂材舉人修武謨等呈稱竊維潛德幽光待披採而始彰人心風俗經激揚而愈奮故美行莫優於節孝

盛典不遺於遐荒永寧地值邊隅俗仍古處欽逢

聖世重熙累洽摩義漸仁是以戶敦禮讓之遺人識廉恥之重相觀而善懿德可徵伏查百餘年除已循例

題請

永寧州志補遺

四

旌表在案不錄外茲進士等詳稽志來博採見聞其有於

例合

旌未經

題請者查有貞女吳氏一口孝婦李武氏等三口節婦方鄧氏等計七十一口烈婦萬王氏等二口共得貞孝節烈婦女七十七口該婦女等皆身際阨窮志輕生死飲冰茹蘗筠竹心松或矢靡他以終身或守不貳以俟命雖風操各隨其所遇而苦節同歸於可貞乃緣里居幽僻莫申籲請之情抑有子孫式微罔識

旌揚之典致令完行無漸於

歲世貞魂羣嘆夫何隔年世久湮表闡莫遞不獨幽隱
抱恨且虞教勸無由伏查江蘇陽湖武進二縣彙請
貞節婦女三千一十八口又道光十六年本省與義
府彙請貞節孝婦五十六口先後

題准

旌表各在案又例載節烈婦女實際阨窮堪憫世遠年湮
未經呈報有府縣志事蹟可憑者准其子孫補請

旌表又遭變被難之士民婦女等每縣給銀三十兩總建

永寧州志補遺

五

一坊鐫刻姓氏並於節孝祠內設位祀祭等語今該
節孝吳氏等實與補請

旌表之例相符理合詞加結稟請援例

題請

旌表共建總坊俾該貞孝節烈不致湮沒無傳其於風化

裨益良多伏乞賜文中詳等情到學啟學總看得該

節孝吳氏等七十七口果係孝行久著苦節彰聞臥

冰泣筭之休勵焉益懋翠竹蒼松之操激而彌堅鄉

里悉無間言例案確有可考理合造具冊結據情牒

呈申詳道光二十五年四月內具

題奉

旨交部議復六月初四日禮部

奏復吳氏等七十餘口例案相符惟李武氏向楊氏二

口割股瘳親例不准

旌請

旨定奪初六日奉

旨李武氏向楊氏二口着加

恩旌表一體建坊入祠設位欽此欽遵

永寧州志補遺

六

吳氏 李武氏 向楊氏 王程氏 方鄧氏

黃田氏 羅王氏 夏宗氏 陳李氏 張周氏

易蔣氏 周聶氏 吳余氏 錢蔡氏 王蔣氏

周藍氏 朱程氏 蕭鄭氏 李楊氏 王蔣氏

姜嚴氏 徐張氏 謝段氏 謝王氏 王姜氏

吳陳氏 宋劉氏 錢陳氏 郭吳氏 藍張氏

卜薛氏 李錢氏 陳陽氏 王黃氏 羅趙氏

聶曹氏 王姜氏 蘇戴氏 吳卜氏 易鄧氏

馮陳氏 甘廖氏 李王氏 羅鄧氏 余廖氏

何丁氏 吳羅氏 黃李氏 李萬氏 黃蕭氏
周孔氏 吳甘氏 聶周氏 姜李氏 曾黃氏
甘周氏 宋鄭氏 張白氏 王饒氏 唐萬氏
程黃氏 吳張氏 徐邨氏 修黃氏 黃鄭氏
鄭熊氏 鄭董氏 賀羅氏 鄭周氏 張李氏
沈吳氏 郭陳氏 羅劉氏 萬王氏 黃毛氏
林石氏 楊聶氏

道光二十五年請

建殉難孝子蕭枝松坊 在州城永關

二十五年初建碑坊逾年傾圮二十八年改建木坊
州人士題額弔之捐軀救父痛當年血染沙場不惜
一死陳情籲天幸而今名光竹帛願教再生附孝子
事實

文童蕭枝松蕭占國長子嘉慶二年种苗滋事蔓延
永寧時枝松年甫弱冠占國年逾六十父子二人同
本城數人逃難至石龍關遇賊眾各逃命奔散枝松

永寧州志補遺

八

負父行遮賊逼近拚死救父父子同時被害死後猶
抱持父屍同行人皆見其事

道光二十八年奉安順府 胡諭續舉節孝一案

為舉報節孝案詳請

旌以維風化事案准 卑州儒學訓導楊燮牒稱據州屬舉
人修武護生員姚煥章黃有華姚琳章李焜徐輝廷
等呈稱發微聞幽事莫先於節孝惟風勵俗典實重
乎表揚各情加具印結牒請轉詳等因准此 卑職核
看得州屬節孝婦女楊姚氏等均持身淑慎賦性幽
貞甫青年而鸞鶴分飛至白首而松筠彌勁或苦心
教子以母儀而盡師資或菽水承歡以婦職而修子
道或為宗祧之莫繼式穀負螟或痛夫病之垂危慨
然割股或分雖挑菜而志勵柏舟或念切椿萱而苟
延蒲柳要皆冰霜苦節年例俱符無非巾幗完人阨
窮堪憫爰採孤芳於側陋彙邀

盛世之

旌揚茲准儒學彙造冊結牒送前來理合加具印結具文

申詳道光二十九年十一月奉

旨准一體建坊入祠設位

計開節孝婦女

楊姚氏 張王氏 郭羅氏 徐葉氏 姚黃氏
王羅氏 聶徐氏 聶林氏 楊田氏 甯王氏
鄭田氏 羅李氏 黃羅氏 王吳氏 鄧施氏
羅張氏 聶吳氏 郭聶氏 蔡葉氏 陳程氏
蕭杜氏 趙杜氏 劉王氏 劉郭氏 羅吳氏
張郭氏 舒朱氏 周田氏 蘇聶氏 朱羅氏
張廖氏 沈周氏 沈盧氏 王周氏 王陳氏
王羅氏 王葉氏

永寧州志補遺卷三

府志永寧輿圖說

永寧東南一面廣三百里正東正南所距亦百餘里六馬之外復有江外一馬焉疆域不已闕哉雖山菁阻深地多田少而盤江之水滯洄數百里為西南之金湯關嶺之山羅列數十峯為東南之保障新驛出於坡貢舊司紀於沙營江城既廣故募役復設巡檢一司云

按永寧州募役沙營頂營三司並設募役禮土司故絕改設巡檢沙營沙土司故絕其壻安榮誥承襲惟頂營

永寧州志補遺

一

羅土司其子孫無力承襲宗族頌盛府志載沙營募役獨遺頂營考核猶未詳也又永寧邕懷學田坐落六馬離州城百十餘里多年無人清理道光年間本學齋長查出土目王濟現備價歸贖其銀撥入公用州志尚未刪除府志亦沿其舊不為更正將必貽誤後人特附志於後

營建補

道光二十二年改建

炎帝宮

按州城炎帝宮向在城東 文昌閣門首風鑑家謂
方向不宜時有火患吏目劉宗筠稟其事於州尊
富州尊諭齋長黃有華姚煥章姚琳章李焜徐輝廷
約首士等擇地城西卜日營建且謂苟利於民雖年
月日時不利於官無忌矣半年內大殿兩廂門樓戲
臺一併落成州城火患自此永息

永寧州志補遺

二

文昌宮後殿

道光二十三年齋長黃有華姚煥章姚琳章李焜
徐輝廷以納亞庄租修建并修砌門前月臺一座按
納亞寨原係 文閣廟庄道光元年修書院經前州
主劉撥該庄租息以添經費 文閣補修歲修仍係
此庄租穀同學有彼此分歧之議

州主陳為立案 文閣書院均係學校攸關讀書人

一體並重兩處修建皆宜以公辦公以公濟公不必
偏持爭執致壞成例

疏水城水道

城東關三水皆由山澗中出即消於城西落水洞陷窩坑中向無水患近因山開沙湧水洞填塞夏秋間城西北田畝民居漸苦淹沒營房尤甚道光三十年州刺史陳諭生員黃有華姚琳章等雇募民工分三處開挖每日親董其事計木石工共二千有零自是水由舊道民獲安堵矣州士民呈請禁挖營盤坡六馬坡榛子山一帶官山永立為業

永寧州志補遺

三

三十年三月

州刺史陳勸捐

重修東西門城樓

新設西門卡房

補修坍塌城牆百數十丈

貢生張紹德
職員龍天培董其事

新修書院學署牌坊

重修講堂補修東西書舍貢生張紹德捐款

三皇閣道光二十六年新建在西關筆架山第一峯前修武談題額曰凌霄閣

閣地勢高聳望若凌霄旁有大佛洞羅祖洞呂祖閣
魯般閣由閣而下有獅象巖巖上有亭額曰來薰亭
前山路曲折半山修接引佛二殿稱鉅觀焉

培風閣

乾隆五十二年建也閣高三層上供斗母中供觀音
下供三官俗謂觀音閣者居多其地在城東南隅風
鑑家謂為本街水口此閣豎後大有裨益故又謂為
培風閣歷年久遠廟宇傾頽咸豐元年 州主周竹

永寧州志補遺

四

樓刺史來牧是邦百廢俱舉謂此閣有關地方胡不
增而大之於是捐廉倡首重新修建規模壯闊樓上
供斗母觀音東嶽閣式三層仍舊閣旁添修大佛禪
林三官聖殿兩廊塑十八羅漢天井列十二欄杆殿
閣中間又修橫樓一座可以遊目騁懷別開眼界
側耳房小住為佳樓後廳事報功崇德靈官像正對
閣門丞相祠側設閣左更有字庫鼎立白果高標春
夏枝葉茂密不啻甘棠流蔭更有左右廂房通計工
料費用總在千金以外 周竹樓刺史始終栽培捐

廉近三百之多吳崇陽首士竭力經營修建歷四年之久泉善樂輸垂碑勒石更有楹聯名句氣得江山是誠一大關會

閣上對聯 州刺史竹樓周夔作

特特更增高客上此樓真倚斗

森森看並列山環似笏各朝天

橫樓對聯 訓導自堂戴先遠作

小立樓頭看塔影聳入雲霄層層增入眼界

閒吟閣外聽泉聲響餘林壑滴滴悟我心源

永寧州志補遺

五

以外何人吹玉笛

史目兩香陸炳園作

筒中有味熟黃梁

莫謂邊山小樓難窮千里試覽全黔輿志足踞鎮遠
腹橫資陽至此特標頂站如帶如砥巡檢早設盤江
環視雙塔轟烟三獅拱象七星懸洞一閣凌霄喜得
得圓光真箇是頭昂送天眼觀滄海

儘有中州勝概來觸寸心嘗讀歷代史書衛寄安南

司分募役於今統治查城維藩維垣鎖鑰特重關嶺

遐想晒甲丞相鑄橋觀祭殉父孝子留節賢媛張愜

悠往事愆勿忘士食舊德畏服先疇

道光丁酉科拔貢
清邑吳寅邦作

大門聯

峻閣轟霄萬文文光輝北斗

道光乙酉科拔貢

方州開勝境三元景運會南天

荷疑龍運光作

永寧州志補遺

六

節孝祠

舊基址在新街守備署右道光二十五年州人士請
建總坊即請建祠經費共銀四百餘十兩楊進士偁
首捐銀五兩餘俱眾節孝子孫自捐辦理生員黃有
華監生甘家善董其事生員黃燦光弟凡捐阿康寨
地一幅歲收包穀五石修柄梅捐籬前寨修家田一坊
歲收毛穀三石七斗尾納吳張氏捐養看司穀三石
每年吳榮封自行量清咸豐元年舉人修武謨請
州尊周竹樓先生撥學中公銀九十兩易姓地價銀

永寧州志補遺

七

二十兩移建

文廟左側以符定制將舊祠改昭忠祠 並為題聯

節孝祠聯

七千里邊隅覃敷文教看此地雅化彬彬某也貞
某也孝懿矩芳型垂金石而不朽

若者烈苦心孤詣懸日月以常昭

二百年曠典特播恩綸問何人生氣凜凜若者節

昭忠祠聯

風雨興師險遠山川悲壯士

春秋致祭馨香俎豆報忠魂

陳景溪先生

文德坊 在西關坡頭

周竹樓先生

文教坊 在書院門口

修母羅太孺人

節孝坊 在水關大路

修母萬孺人

孝慈碑 在西關坡頭路傍

蘇母聶孺人

節孝坊 在大街中

壽佛寺

大殿靈蹟載州志
咸豐三年新修戲樓前殿

妙明洞

在關嶺向名觀音洞學使
咸豐元年竹樓州尊勸捐重修洵永寧地方大觀
新題額已載原志

小飛雲巖

城西南朝陽洞內
竹樓州尊題岩

永寧州志補遺

八

財神廟

咸豐三年孀婦劉葉氏
修建在永寧場壩口

鄧公池

同漢武廳後水池俱鄧式如捐修

永寧場壩口向有空地一幅相傳財神廟舊基存

民劉忠賢屢議修廟未成咸豐三年春三月水關

頭不成於火延燒三十餘戶 鄧少牧勘得場壩

空地捐修水池以備火患劉葉氏仰承翁志修廟

池後四圍俱用木檻外加磚牆然後開門於前州

人題額於門首曰鄧公池以志其德 州尊黨

給匾葉氏曰克承翁志以旌其孝庶激濁揚清後

人有所觀感云

按永寧少牧有功德於永者
后花農劉竹友後歿惟鄭式如云

崇報祠

舊設義學耳房規模太狹不足奉祭祀昭誠敬哉
豐元年舉人修武謨生員黃河光潘德深孔繼先
請撥公銀並納亞收獲黃姓地價銀三十兩改建
維風書院門首內設三座凡有功德於永者祀之
第一座神牌五塊

南大老爺

印 爰曾

興義苗變
保守孤城

嘉慶二年任

許大老爺

印 華銑

實心教民
勤於課士

道光六年任

永寧州志補遺

九

蓋大老爺

印 星階

請建總坊
有功風化

道光二十一年任

周大老爺

印 獻廷

勸捐築興
澤被士林

道光二十五年任

陳大老爺

印 鑿

整飭士習疏通水道
兵房均沾其利道光三十年任

中一座神牌三塊

劉大老爺

印 嗣矩

創建書院親主講席州人思
慕其德每年四月初七日士

民公同祭祀
道光二年任

黃大老爺

印 培杰

請加學額
纂修州志

道光十五年任

周大老爺

印 夔

重建培風閣
移建節孝祠

咸豐元年任

接竹樓先生治永一年旋調黃平永士人思慕不

置同劉曉村黃植圃兩先生並稱循良本城關嶺

黃葛壑灞陵橋坡貢均文碑以誌德政爰因人情

愛戴之深核其治永功德之實其功之及於地方

者在除暴安良其德之入於人心者在勤民愛士

第三座神牌三塊

謝公印 廷薰

由永寧學正升婁縣知縣乾隆四十二年創修永寧州志

周公印 鼎新

康熙年間貢官咸寧訓導康熙年間貢官安南


呈請設學

錢公印 嵩年

新舖耆老捐修西廡並置偏坡寨學庄

永寧州志補遺

灞陵橋德政碑圖



竹樓刺史之諭磨其德政碑而系以詩也當世所僅見也一日者附嶺諸人士復繼勒於灞陵橋間踵門以告於材為序謀也亦不欲其言之習見也客有見而詰之者曰刺史之諭眾所見也和其磨碑詩者且燦然成集爭以一見為快也奈何弗之從而若故與之左也其人曰客之為是言也自見其見可也異哉見其所見遂以其所見為見並以其見律人之見也人之度量相越固甚遠也刺史之見非吾儕所及見

也吾儕之見客亦未之見也人各一心即人同此心白水河之碑之所以終不磨也則刺史之自有其不磨者在也則吾儕莫不各有其不能磨者在也各有其不能磨而各即其中之所不磨以爭紀乎刺史所不磨德政碑所為見不一見也且也茲永甬半載旌調黃平者吾刺史也自今以往其與吾民相見無多日也見此碑如見刺史也民皆如見刺史刺史亦如見吾民也是亦刺史之所樂與民同也碑之勒刺史之諭蓋自並行不悖也安在人之見之者之不再見

於詩也客之見無乃見其所見而不知所見之殊多
未見也莊子所謂篤於時拘於墟者此類是也客聞
之如夢初醒爽然失其所見也材曰是言也猶是自
見其見也而自足見其所見也不必猶夫人之見不
必不猶夫人之見也即其言以為序刺史德政可不
言而自見也言之所不能罄者亦可於焉想見也楊
茂材謹序

德政碑之盛莫盛於近日後先並列采風者固自別
有定論也孔子曰觀於鄉而知王道之易易其為鄉

民所爭立者是則吾竹樓刺史之德政碑生員姜鎮
齊謹跋

治永八圖

野人獻瑞

甘肅秦州人
銅仁明府

鄭選士

麥秀雙歧禾嘉九穗獻者殷勤知何以致飲茲太和
蔚彼靈瑞農夫之慶拜仁人賜

畢節縣人黃
平州廣文

鄧福照

地產靈奇農以為寶叩諸識者云是瑞草胡為乎生
總因官好官下鄉來許心藉表

楊茂材

老農獲異產費之不輕示愛我使君深殷殷為效媚

永寧州志補遺

十三

月涉青灘

晉定縣
茂才

余春齡

寂寞青灘上攜僮月夜巡遠村無吠犬湍水少行人
澗底濤聲急橋頭巨石鄰祇知安我輩何暇階其身
慎事因忘己勤民不計辛康田今再繼圖繪入名臣

鄭選士

明月前身空潭瀉影涉衣褰裳關情隱隱波心珠圓
玉壺冰冷雞犬無聲萬象安枕

鄧福照

淺水巖阿攜僮涉河體蔡氏隱微服而過觀枚測字

於意云何公此時心月照清波

浙江遂安縣人黃平少府

余啟豐

遠宦聯綿歷

李

中此生何太勞

杜甫

願隨孤月影

沈如

忠

信涉波濤

高道

楊茂材

微服挈奚僮黃昏渡頭涉祇有明月知清輝自相接

龍運光

山澗暮煙橫村雞靜不驚當頭明月上微服此宵行
切念甘辛苦精心託予評挈僮頻涉險何暇問灘聲

永寧州志補遺

高

履畝風餐

鄭選士

履畝山間畧爭供餽麥飯豆粥殊褻尊賁豈知廉吏
菜根風味脂膏念切使我心慰

鄧福照

公來履畝忙熱童叟山肴雜陳公曰否否公之所餐
舜慈堯莊勞我農民心焉領受

巡哨臥雪

鄭選士

守望更夫夜擊柝北門借重作管鑰天寒堆壘煨榾
柮猶復衣衫怯單薄朔風凜冽雪迅疾忽聞大夫叩

關出隱約繞過野橋西回頭舊路已相失十二銀山
雪四圍東西不辨夜難歸半椽茅屋何通仄梅花香
擁臥榻側洗盡千山煙雨瘴愧無簇華紫綃帳大夫
一片熱心腸溫語拊循如挾纊

楊茂材

嚴冬作哨卒日與凍旗伍誰識風雪夜官亦同甘苦

龍運光

雪夜不知寒高臥柴扉裏哨卒相顧驚宰官尚如此

鄭選士

馳岡擒盜

永寧州志補遺

十五

將入虎穴探虎子當頭忽見馭峯起猿附猿井行路
難石乳溜穿滴滴水柔桑條健兒腿夜來直逼山回
裏君不見從天降下周亞夫洞庭飛來岳鵬舉

余啟豐

夜越懸巖

鳥道來雖險王貞曰雙旌五馬過李嘉祐山從人面起李白

只是夜猿多高適

楊茂材

昏暮搗賊巢山谿越險阻回頭顧健兒壯哉真吾與

龍運光

夜影沉沉黑天容渾似墨使君塵民愛自起出擒賊
吾邑踞山巔危峯勢劣崩白日猶畏行况乃當夜陟
賢哉我父師偃息不自得要使衆惡驚何嫌山徑仄
絕壁履維艱深黏望不測屏息下前峯蒼蒼照月色
花下獨囚

鄭選士

訟庭閒無事小園春先到伴花作主人四圍花旋繞
延叟傍花坐亦是同其好呼囚跪落紅花應恥不肖
公如花間月隔影重重照擗伏與發奸若有花魂報
吁嗟乎河陽花城春意闌為政風流如相召仙吏花

永寧州志補遺

十六

下作訟庭黃絹幼婦稱絕妙

飛雲題壁

鄭選士

東坡之東三二里蒼莽奇峯挿天起飛雲幻石石的
雲瀑布遠噴千尺水鬱鬱蔥蔥氣佳哉黔南名勝誰
與比查城四圍山中有喬嶽峙聞道過來人朝陽洞
者是官間稱幽尋知是神仙吏苔蘚山徑古隱隱泉
聲裏危石擁嶢巖陰有飛雲意名山不在高大小何
足易一字經品題頓覺山靈異既從飛雲來又向飛
雲去對此飛雲洞曾否小者記

名山有顯晦猶人有通塞當其沉抑時草木俱無色
一朝經品題巖岫遂奇絕勝地以人傳千古同一轍
永邑朝陽洞舊為仙佛宅頻年蝕苔藓不在幽賞列
司牧下車始疏鑿驚獨得蕪穢與草萊芟除無遺蘖
精光忽煥發陰晴都秀傑題曰小飛雲壁間留妙墨
祇謂永朝夕尋幽常步屐何期欣賞入速與山靈別
翹首望行旌臨歧心惻惻聊題一片雲持贈相怡悅

永寧州志補遺

十七

錢別詩

修武謨

大邦撫字急需賢臥轍難留悵遠天碑立去思無空
處歌興來暮未經年春山舊雨隨車渥驛路新花夾
道鮮行見江頭紅日近鄉雲五色竊祥煙

楊茂材

聽說仙靈遽別過茫茫風景似銀河欲拈筆已思無
著重補題還味細磨柳折長亭流韻遠花迎瑞蓋帶
春多行歌昨日今猶古認作良工卻悟訛

嶺畔經年足懶過隨車直越灞陵河到觀瀑處情彌

戀自送行來跡未磨此水人送劉曉村刺史處願侶難拋佳日去
時曾時曾送送還家猶帶好風多街前父老歡爭語天亦
垂青並不訛喜值新晴羣以為頌

姜受善

來暮繞歌歲未周迢迢忽又張星郵清懷最是臨歧
切愛戴難為臥轍留滿袖清風容我挹隨車甘雨應
時流春江濟處春無限遙識狂瀾指顧收

楊茂芳

爭覩卿雲度嶺過榮光真是滿黃河繞知歌頌難為

永寧州志補遺

六

罄卽論風華亦不磨計切學留遺韻古情深健羨到
公多翻將離恨成狂喜異樣文心莫笑訛

楊茂育

報到喬遷此日過情隨旌旆逐關河安能霖雨留偏
潤最是狂氛待淨磨在彼固誠相望切知公猶有未
忘多花村四處還依舊祇恐宵深火吠訛

王超儒

纔仰卿雲半載過旌旗倏已隔山河好官真是難為
舍來者誰其更不磨離別有期緣早定攀留無計愛

彌多衆中於我曾深異報到登龍漫笑訛

姜鎮齊

旌旆崇朝去杳然攀轅無計緒頻牽福星到處添新
曜化雨沾來憶夙緣驛路鶯花誰管領旗亭詩酒待
留連報公轉瞬秋期近共話飛雲月滿天

題大佛洞

姚琳章

大佛舊居中和寺棟宇不減瑯環地四時供獻山庄
輸檀那本是長官施租多反為禪林累俗務紛拏清
規墜疎林久歇梵王鐘殘碑半蝕維摩宇曉村刺史

永寧州志補遺

十九

建維風膏火經營苦不充欲得廣廈庇寒士遜學當
年狄梁公訪得此寺久寂寞香租歲飽奸豪索裁撥
永為試卷資寶像權移培風閣我佛法力廣無邊小
劫臨頭也茫然俯首屈寄人廡下緇晦於今二十年
從來天道如轉轂寒臘未盡一陽伏貝葉潛回萬家
春來造蒼生無量福鏡湖先生甫下車細詢民舍為
底虛父老面陳悲往事祝融不靜忠難除先生俯聽
心惻惻如何此災消不得青鳥家言炎帝宮不利東
南利西北特捐鶴俸首倡修度地鳩工無倦色神來

天馬歡聲動環栽松竹棲鸞鳳積沈惟安百堵居翠
頭忽見七星洞洞門常覺紫雲護傳聞古有神仙住
惹得漁郎來問津桃源不隔紅塵路崖花燈蘚無人
掃一帶夕陽暖綠草中開蓮座淨纖塵天然勝蹟皈
三寶猶是河口如來身星斗幾移佛不老古石砣立
獅象見佻毛洗髓大雄殿曇花法雨萬斯年蔓草寒
煙今一變

甲寅春二月解永車捐輸銀兩晉省途中曉望即

事

修武謨

永寧州志補遺

三

霜堆短鬢髮如麻踴躍從公尚自誇逆旅雞聲催客
早春寒一路看桃花

曳杖孤征自往還衰殘不忍此身閒歸來喜見前途
好野館濃花雨後山

永寧州志補遺卷四

遊小飛雲洞記

周 夔

天下好山多矣吳山秀越山逸魯山雄蜀山奇粵山峭燕秦晉楚閩豫滇黔之山麗者清者峻者險者怪者樸者尤千態萬狀多入畫有異趣黔之永佳山尤富余來牧此州端坐堂皇日與斯民斷斷然竊久為山靈笑新秋送涼忽動遊山興偕劔君芳瀛朱君逢甲選勝山行尋得一奇洞石門豁敞膏乳紛垂若仙若佛若龍若獅若象若鶴若雲皆含飛動勢洞外遠

永寧州志補遺

一

山無數浩浩如萬頃波濤奇觀也昔余遊黃平之飛雲洞嘆奇絕此洞似之因名曰小飛雲大書鐫石壁歸而穆然思焉夫此洞奇矣而州志遺之志遺奇洞志負奇洞矣余今始遊此奇洞余遺奇洞久余負奇洞久矣然則永之奇人奇文余恐遺亦久而負亦久也奇人余心藏之奇文余課士良喜奇者多然余恐奇而遺遺而負者更多也不禁懷然久之書以勒石以質後之遊此洞者以質後之留意人文者雖然余言俗甚山靈其相許否

義士張先生記

先生名廷標州學廩生也居板王庄離城二十里許其弟廷桂公以宿學稱其姪晴亦青年能文其族中增附生不知幾人相傳張氏一門同時入石廩焉惟先生胸襟洒落洞達時務重誼氣薄貲財夷民亦敬信之嘉慶二年興義府种苗滋事蔓延永寧撤兵後羣夷蠢蠢人心未定前州尊南請先生入寨安撫招來順民募役司屬大小村庄苗民悉靖先生旋以勤勞卒南州尊素重其人而又惜其死於王事也

永寧州志補遺

二

親祭吊之越今五十餘年

賢刺史陳景溪父師採補州志州父老代白其事
刺史曰此義士也不可不傳命修武謨為之記

壽民

生員時大受忠厚醇謹鄉鄰以盛德稱其少子際昌為邑廩生孫德沛邑庠生受現年九十八歲五代同堂

梓園州屬關嶺人也讀書能文家敦忠厚其至性有過人處尤能致力於存心之學道光壬午年同受業於州刺史 劉曉村先生是秋鄉捷明年成進士毫 不改秀才本來面目乙酉年 曉村先生撥廣福寺田作書院膏火廟僧上控謂拔貢連盟結社與地方官聲氣相通 憲批嚴峻武 欲晉省呈訴同事咸有懼心 梓園毅然徇往力卻不許越三年 曉村師回晉定任升仁懷廳 朱綬堂先生攝安順府篆因

同晉府有友人以事相託許以重謝 梓園正色阻止且力明義利之辨由是愈相友善事必與謀道光十五年永寧請加學額三年共事風霜雨雪弗輟也十八年加額事竣 梓園力辭議叙即於是年四月選授廣東西寧縣知縣到任三年有政聲深見重於上台以 母老決計告歸時有庚子科同考試官大令張公名深者江南名解元也書聯贈之性天以外初無物關嶺之間大有人是誠相知之深有以定其為人者矣告歸後建 楊氏宗祠補修灞陵橋且

先以二百金寄幫書院餘則弟兄均分已無私積交遊中咸以為難武謂散財非難壯年志切養親不繫戀於功名富貴斯誠難耳且歸田後文愈進德愈修讀書愈有心得中年舉四子頭角崢嶸或粗衣布服絕無絲毫貴介氣仍以教讀為業興義安順競請主講書院一時門下高弟擬魏科登仕籍者卓有先生風手著存心章制藝二十一篇半皆有關世道人心語其他著作亦筆力道勁意旨深迥異舉業文字

今

永寧州志補遺

四

勅封孺人藍太老孺人年逾八旬眼明身健教訓梓園弟
凡一如

封君敦本老人在日家政嚴肅鄉里矜式 梓園更深
自刻勵謂吾儕事親不惟抱慙聖賢即以科條律之
亦實有無可自恕處此非孝根於性誠於事親者萬
萬不能為此言亦萬萬不肯為此言循是以進張公
謂闕嶺大有人洵非阿其所好矣 武 學殖荒落年迫
衰老恐不及見吾友將來之精進者何如而人之論
之者抑或稱其學問文章功名事業而不知其至性

過人尤能致力於存心之學轉無以見
梓園真也爰記梗概以告後之修州志者請立傳時咸
豐三年十一月長至日記

修采亭先生行述序

清鎮縣 教諭 盧揚宗

道光六年春二月初旬永寧城不成於火延燒數百家時友人修緯堂館於咸清。明府署中聞之甚駭會值返風滅火及鄰屋而止焉家是以獲全無恙因念梓里被災為之惻然爰集毛詩四律以吊適余自安順歸來緯堂出其稿共證因三復其辭中集母氏聖善念昔先人始知緯堂仁孝性成其懇摯真情悉於咏歌露之隨賦俚言贈答不時過從相得甚驩一日出其乃翁采亭先生行述囑為文以誌予惟古

永寧州志補遺

六

稱三不朽太上有立德其次有立功其次有立言蘇子瞻亦云惟有文為不朽與有子為不朽不朽之為義大矣哉吾聞其語矣未見其人也頃讀采亭公家傳而穆然想見其為人公祖籍湖南衡州府耒陽縣人也先世宦遊來黔歷代忠厚傳家不能縷述謹述公數事公少失怙生六歲而孤太孺人羅子節自誓公居賤食貧因廢學謀生計旦夕得甘脆以養親親供養備老母克以天年終而子職無憾公素有德量性謙和與物無忤宗族稱其孝鄉黨稱其弟內外

遐邇均無間言生平誦法陰騭文煥恥躬之不逮其
訓誡子弟必援作事循天理出言順人心以迪之以
故壽母仙遊時卜其宅兆聞地師有損人利己之說
若有不豫色然絕不肯為一身一家謀致敗厥德至
比鄰接壤定地犬牙相入輒云爭而不讓仁者不為
也閭里胥傳為美談而謙退未遑直若無與己事

嘉慶丁巳逆苗蠢動家業蕩然 制憲亟需才佐理

求忠臣於孝子之門公隨入軍營協辦兵餉糧務卒
以有功議叙詳咨九品選用因念母氏即衰不忍暫

離非孝愛之根於天性能如是乎其治家也克勤克
儉明而動晦而休無敢暇逸經理生業一錢尺帛省
穡而用之而時行方便雖貿易亦具有周貧邨困之
情所為如此是其事之適然者耶抑其心之厚於仁
者耶好讀書不求甚解而獨觀大畧開卷有益弗以
老而或弛即病勢彌留猶諄諄以發憤攻書為嚮人
之將死其言也善不但可垂訓於家而亦可風化天
下是則德立也功立也言立也公悉以身兼之而克
為一鄉完人惟有公之孝友斯有嗣君之顯揚有公

之經綸斯有嗣君之秀發有公之燕翼貽謀斯有嗣君之克迪前光超然絕俗也公得子而萬事足雖死之日猶生之年古人所謂不朽者其在此歟子早歲耳熟嗣君名今得挹芝眉始悉受教於趨庭所由行成名立者其來有自願情殷頌禱筆媿荒蕪不敢勦說雷同上讀高明之聽惟質言其梗概以見公為善於身克昌厥後雖不待予文以傳而有子克家予文或藉以並垂不朽矣

修母

萬孺人

合傳

進士楊茂才

讀州志孝婦萬孺人傳稱萬之賢與吳之賢並傳不朽二語知黃植圃刺史發微聞幽孝婦傳不僅為萬孺人作也吳孺人者即松玉黑場勝璽吳公三女後萬孺人九年而適采亭公萬孺人待以敵體禮孺人弗當也逾年其子修君孝廉生與萬孺人撫育之自任家事備極勤勞甚慰孀姑心嘉慶二年苗變姑病彌留采亭公躬羈軍務萬孺人體亦素孱孺人晝夜奉湯藥百餘日不哀積勞成病稍起竭力

永寧州志補遺

九

敬養自食蔬糲與萬孺人無異志也萬孺人之視孝廉也鍾愛備至吳孺人管束獨嚴少放蕩斥責之弗率撻楚之督以攻苦力學謂女弗能成名無以謝爾母也選拔後弗稍縱於以登賢書焉故賢聲與萬孺人并享年六十八歲卒維時卹梅村刺史奉委來永聞其為賢母也同杜守溪刺史親祭奠之道光二十八年舉人劉端甫拔貢吳寅邦副榜謝廷暄生員李森台謝榮章為萬孺人公舉慈孝沐

恩旌表孝廉謀刊其傳於石思萬孺人愈思吳孺人此仁

人孝子志也亦有心人所極不忘也夫齊帷之化良非淺鮮矣兩孺人一則以孝著於慈一則以敬以和濟其孝而以嚴濟其慈傳謂安得天下之為嫡母者盡如萬孺人材亦謂安得天下之為生母者盡如吳孺人也爰與齋長黃有華姚煥章姚琳章李焜徐輝廷等曰其事於景漢刺史為之合傳俾世之聞其風者各有所感發云

修母萬太孺人傳詩

晉定縣人 羅榮光

閔閔不治疾無若忍與妒妙以忍濟之悍逆乃聚附
懿哉 太孺人徽踪九高踞宜家以事親邦錄照宣
著適夫三逾年不育嗟已屢孀姑抱孫心隱念恐乖
忤別種宜男枝娛老得勸助間歲孝廉生里黨盡交
譽責報窻初衣仁愛自其素闔宅矧無恙老稱幸歡
聚軍帖俄亂飛草間起狐兔急公丈夫心提劍應招
募田野變營壘饑饉歎粹遇薄儲旋告空那堪廢七
箸悴草批腐荻皴皮剝枯樹甘旨何處尋一餐餐釵

永寧州志補遺

十一

布患氣流餘殃傳染及門祚呻吟徧牀蓐苓木費苦
措藪聞苟不諱何以對所付身代安有辭仰天但哀
籲精誠真感通慈顏慶永駐從來素心人兩情原無
敦同棠緣夙牽自應共呼嗟異生俱我兒已復省勤
劇撫鞠惟有加詎曾弛調護孝以慈起成夫職代艱
苦白首孝廉翁明發深孺慕往事痛遺忘纏綿泣相
訴 太姑煨炭眠燎延駭酣寤矢口防根觸戒火禁

勿語 嘉慶己未年 太姑羅以火烘被延燒床簀時

以為念采亭公同兩孺人私諭家人永無言及

謹防火 懿行江河深幾能縷絲絮亦將遺後聞補首

備掌故一科非云酬美蔭正優裕懿哉
太孺人坊
表信可屬淳風激頽波彼昏其昭倍

上制軍羅書

貴州安順府永寧州戊子科舉人修武謨年六十八歲祖籍湖南衡州府耒陽縣人氏為慕義急公為民請命事竊伏處憂民下士何知越分陳情冒死餘生實抱孤忠念粵西烽烟告警其始不過千百亂民使非從前司牧教養無道兵無紀律士鮮廉耻何至倉皇失措遽任其蔓延數省殃及兩湖茲湖南為曾經被災之地係我祖宗父母之邦因累愈深撫綏愈亟焦思午夜積病成狂不揣冒昧妄為條陳方今天下

永寧州志補遺

十三

大計莫如廣教化以固人心定章程以作民氣故必訓誨有方而後禮義之民可用捐輸有等而後激勸之力易施人心固民氣振庶可戰可守可生可死天下於是有備無患而賊氛立淨現奉 各大憲頒發勸捐團練告示最為善策查廣東鄉守外編輯要其中綱紀條目至詳且晰曷庸復議所慮者各處地方情形不同禮義未明激勸難施恐驟行之未必遽效即緩行之抑或有效有不效耳莫若請飭各省府廳州縣教官遵照定例宣讀

聖諭廣訓化導士民和鄉黨以息爭訟聯保甲以弭盜賊二

條於邊方更為切要勿仍前視為具文奉行故事必須剴切詳明兵民並教務使人人通曉大義激發天良士為四民之首尤宜省身克己為善於鄉舉貢生監互相勸勉勿以智欺愚勿以強凌弱勿以富壓貧有無相通患難相恤合兵民為一體合城鄉為一家即請力行保甲之法用寓兵於農民自為兵之意有防守之實無招募之煩庶幾民氣和睦眾志成城較之團練之行名雖小異其實相為表裏所謂廣教化

永寧州志補遺

十四

以固人心者此也再查鄉守外編勸富本意一條苦心誥誠至明至快階各地方不多得見急請刊刻通行曉諭且勸諭之法亦請自大鄉宦始以爾各鄉宦富貴榮華坐擁多貲或數萬或十數萬或數十萬到底從何處得來吾為湖厥來由亦不盡額外重征亦不盡設法誅求大都受之

皇上供之下民其子弟崇侈宮室誇耀梓里宜也但令軍實不裕民困莫蘇

聖天子憂勞於上賢卑執壽議於下人非草木自有心肝縱

不能毀冢紆難亦應以受之自公者半充公用取之於民者半濟民艱庶爾鄉宦子孫通顯得與我

國家黎民百姓同享安樂悠久無疆即請照告示飭各地方士民秉公酌報其有家業萬金者出銀若干兩等而上之照數輸納如其貧賴吝惜即請得諭以不忠照例查抄勿悔至我士農工商食毛踐土不知好義應知急公亦請立三等捐輸之法照告示飭各處公正紳耆酌量地方情形按等分派上戶出銀若干兩中戶出銀若干兩其餬口有餘者派同下戶亦出銀

永寧州志補遺

十五

若干兩公平勸輸勿苛勿徇其有力能承辦故意推諉者是頑民也其議罰勿赦承充董事不秉公正假公濟私者是奸民也其議罰勿赦其有訟棍刁徒捏誣首士煽惑地方者是謂賊民請亟治以極刑勿稍寬縱其有慷慨好義於正派捐輸外更願踴躍樂輸者是謂善良之民請照告示分別從優議叙以示

殊恩顯榮似於限制之中仍昭激勵庶幾說以先民民忘其勞所謂立章程以作民氣者此也總之地方公事責有攸歸天下之大不過府廳州縣相積而成是天下

億萬萬生靈之命實懸於守令司牧之手舉邊方寒
賤何知天下第以一方司牧推之大都高才績學疇
不欲奮發有為盡忠報効其不能行者由地方界限
太分官民勢分太隔是以上下懷疑事鮮有濟欲請
通行勸諭一如告示之勸諭士民普天率土莫非臣
庶祇各盡父母斯民之道無或存此疆彼界之私同
德同心共籌厥事充軍實而蘇民因此道得也從來
滇黔粵楚四省毗連近日粵楚重困滇黔又安是皆
各大憲竭慮殫心慎固封守之力只有團練一條恐

永寧州志補遺

十六

地方籌畫未善誤圍聚為招募未見訓練先事張皇
貽害之大不可勝言舉自愧材同草腐何知心似冰
寒頭童齒豁徒切障川迴瀾之思目贖耳聾妄抒坐
井觀天之見邀懇憐情

奏請務使因地制宜如蒙廣布通行粵楚共獲安全恩真似
海即得小為補救滇黔不至紛擾德亦如山葡萄陳
書罔知忌諱為此呈乞

欽命大人閣前賞准 請行公候萬代

咸豐三年六月 上

勸捐團練序

修武謨

恭維

聖朝輕徭薄賦二百餘年矣

皇恩普徧淪洽肌髓吾儕踐土食毛捐軀不足為報區區捐輸何勞激勸雖然無待於勸者小民之分不忍不勸者

君上之恩茲以粵匪告警軍實不充遵奉

上諭舉行團練勸捐除照告示從優議叙外更議三等捐輸之法給匾獎勵備冊稽察戶分上等中等下等區

永寧州志補遺

志

同尚義好義慕義其好義之家優恤及其子孫其不義之家刑戮及其後嗣恩威並濟懲勸攸分吾永寧俗素稱淳風猶近古願與父老紳耆共籌捐輸事

即共籌團練事夫所謂團練者是非必招募鄉勇之謂也是謂團集鄉村之子弟練為鄉村之壯勇保護鄉村即所以各保身家也吾永屬在邊隅地僅彈丸大寨不上千家中寨不上百家甚至五六七家三五家星羅碁布亦稱小寨如拘定一集千人一集五六百人勢必不能加以漢夷雜處道路崎嶇其團集

尤難惟以分方附甲之法行之庶乎截長補短道里
遠近其勢可聯人戶多寡其數可考爰仿編甲之例
立為門戶之牌十家為甲甲有長其有不及十家村
寨即編入鄰近大村寨內是謂附甲十甲為保保有
正合十保為一大保甲公舉大保正一人大甲長二
人專董其事大家申明約束第一不許恃橫忤逆違
父母教第二不許聚賭拷贖窩留盜賊第三不許結
交外匪有違

功令如有歹人入鄉逆于外出即約同甲同保之人互相

盤詰送大甲長教訓如再不改大甲長同本甲之人
送州同州中甲長送官究辦由是無事則互相守
望有事則協力防堵民氣和睦風俗淳美悠久無疆
萬世永賴是在擇董事者盡心竭力與眾人斟酌行
之

咸豐三年秋八月

謹序

永寧州保甲條目摘要

咸豐四年夏四月約議大家齊心舉行保甲各係身家說
從來和氣致祥天之道也師克在和古之訓也孟子曰天
時不如地利地利不如人和和之為義大矣哉邇年粵匪
滋蔓楚氛甚惡乖氣召妖不和孰甚方今

聖天子履念黎黎

上諭通行堅壁清野之法本省

各大憲頒發告示舉行保甲章程條款至明且晰同學清臣

永寧州志補遺

附補遺

一

吳君又復出其家學選擇通變宜民者著為黔中鄉守集
州尊邨兩刺史并以敘言捐俸刊刻流傳廣佈其共顧大家
齊心各保身家性命之意至深切也武謨列在齊民亦有
身命謹將齊心舉行之說與婚紳先生父老子弟申明而
詳論之所謂大家者非一人之家一城一鄉之家也是蓋
聯官吏兵民為一體通城鄉內外為一氣以千萬家之身
家合為一家之身家以千萬人之性命合為一人之性命
而後民氣和睦同德同心斯乃謂之大家有如為官者民
之父母也不以愛赤子之心愛百姓是官不以民為一家

也。百姓者。官之子民也。不以事父母之心事官長。是民不以官為一家也。有如兵丁。列在行伍。原非生而兵者。各處之兵。就是各處之民。使地方無民。何以有此兵也。必須視民之身家性命。一若兵之身家性命。大家齊心協力。同仇偕作。師克在和。得此道也。有如士農工商。或在城市。或住鄉村。非兵之父子兄弟。亦兵之親戚朋友也。地方無兵。何以保吾民也。必須視兵之身家性命。一若民之身家性命。大家齊心協力。易危為安。和氣致祥。由此出也。至於紳士之家。財主之家。雖有功名。雖有產業。而同鄉共井。與兵民

亦一體也。使地方無兵民。誰與保其功名。誰與保其產業。其身家性命。受害必更烈也。是宜大家齊心協力。効死無去也。更有各處邊界。漢夷雜處。同一考試入學。同一納糧辦公。是夷戶之身命。不啻漢戶之身命。尤宜大家齊心協力。子子孫孫。世勿相害。萬一地方有事。必大家立定腳根。共遵約束。慎勿倉皇失措。逃散他鄉。躲避山林。所以然者。當茲多事之秋。那裏不是棍徒。那裏不是會匪。彼方乘吾搬動。就好借端生事。搶劫殺戮。不免終歸於死。是逃避而終於一死。何如死守而尚得不死之為上策也。且賊匪不

過烏合之眾。城鄉皆是義勇之民。如謂賊匪能害吾民。吾民不能勦滅賊匪。斷斷無是理也。僕今年近七旬。尚能踴躍從公。奉行良法。與眾共守。如有地棍奸徒。不聽勸化。抗違功令。搖惑人心者。請以重法從事。眾共殺之。其勿悔。主講維風書院舉人修武謨頓首。

謹將保甲條目摘要開列於後

十家為一牌。十牌為一團。公舉保正甲頭
一條設立門牌。各二人。勿論本城四鄉。有一家窩藏盜賊
匪徒。九家公同舉報。隱匿者查出同罪。

永寧州志補遺

附補遺

三

二條蓄積米糧

每年秋收後。各鄉村議收義穀。以備公用。須按力量捐輸。幾斗幾升不拘。貧者勿強。

每團內甲長保正。須擇一寬敞之地。按四三條操練教訓。季月朔約集丁壯操演。熟查地方形勢。州

尊頒發鄉守集。大家看熟。教訓丁壯。

每鄉村甲長保正。須與各處生士人民嚴

四條申明禁約。立禁約不許輕聽邪說。學習邪教。不准糾眾鬪龍。糾眾抗公。違者從重治罪。

永寧州志補遺卷五

鄉守簡易輯說序

永寧州知州 徐震翔

大凡說之無本者實不必刊即有本而迂濶遠於事情者似可以不刊即弗迂遠而非相時之宜因民之利為時勢所急需者亦無妨於緩刊若遴選吳君清臣著鄉守簡易輯說其說殆本先曾大父鑑齋先生治蜀保釐經驗參之諸名公善畫機宜之最善而化裁通變以出之者也觀其圍練不招外丁不請教習不置器械數條真費廉而工省又觀其分方擇人利於官兵書役數條實準情而度理

永寧州志補遺

一

迺夫弭盜設伏安民察奸城鄉互應密探游報各條悉斟酌而咸宜其他圖式方藥皆屬切要不可缺畧是其書之便民如此烏可不刊利賴如此安得不刊適時切務又如此亦焉可緩而不刊予所以慇懃付梓俾旦夕速成庶一鄉見而行之而利及一鄉合屬見而行之而利及合屬通省見而行之而利及通省至矣哉仁人之言其利溥也因為之序以玉成焉

黔中鄉守救命萬全書

吳寅邦

士民食毛踐土各有分所當為之義以報我

朝廷期共盡其心力而已近日人心為謠言所惑富者皆曰
吾逃出就好不能逃送些金銀買命貧者又曰吾橫直一
死管他甚麼奸巧者且忍乘此機會附和胡為痴人說夢
試觀各處所貼江南被難說一篇送出賊匪奸險凶惡眾
人流離慘死狗彘不食其餘奈何為禽獸役乎最可快者
賊串合之土匪引賊入城引賊抄擄富戶金銀子女與賊
分贓歸根為賊所殺其贓轉為賊據賊逼婦女改裝冒充
長髮以擋槍砲又變天地會為添弟呼降者為新兄弟吃
飯跪念咒語出兵撞頭陣他有法力鎗砲不能傷到得槍

永寧州志補遺

二

砲打死誰敢問他法力不靈愚民受感而死由於心術不
正自作之孽也昔呂司寇為鄉紳作救命書倡義鄉守大
敗流寇各處相傳保全甚眾近洋匪滋事為廣東義民所
敗擒其將哨唛噴嗥至今畏之許祭酒編鄉守輯要備列
圖說 呂方伯重刊以廣其傳內有竹將軍砲竹槍二器
費廉而工省能打七八百步之遠黔處萬山中只須各鄉
用此二物於要隘設伏真救命萬全之策也前輩被寇輒
躲入洞使賊圍困燻塞是有山而轉受其害也而土匪
乘機劫奪又益之害焉夫對壘莫如爭山設伏莫如截路

各鄉之紳耆熟悉其山形道路宜合眾人之財力以保眾人之身家稟官請劄公捐諸費貧者司頭砲而得厚賞富者捐小利而獲安全賊雖百萬之眾不能從天飛下必由山徑路口而入竹砲連擊積屍塞道使賊片甲不回而鄉丁不傷一人此因山為壁鄉之境且不得入又何必為守城計乎則何如取守城之財力以助鄉守之不逮之猶愈乎大路寬長用左右雙伏橫擊闔隘緊窄用單伏直擊每伏只三五人司槍砲此以少勝多也隔頭伏一里又設二伏使呼應可適頭伏擊敗賊調二伏至頭伏處三伏至二

伏處接守而不追殺若頭伏只傷賊前隊餘賊搜山追我竹砲一發即壞有槍則四面皆可迎擊且只跑至至二伏仍有槍砲救援前後左右由一里以至十里百里層層設伏賊將盡斃且各鄉自為饋食家人婦子往來相親農不輟耕女不廢織晏如也近路村庄量移財畜婦女男子守其空屋操工如故可荷鋤而觀也即遇雨雪晦冥只守稻蓆棚可以棲身本無營壘何懼偷剽聞聲發砲賊其奈我何哉此以分制合之法也或曰善其如奸民土匪何曰剿辦賊匪大憲主之詰奸除暴有司主之此輩皆倖冀苟延巧

為窺伺若官民一心則瓦解之不逞不然江南人才之數
當沃之區豈無倡議謀者忌心阻之說口撓之上下不交
若輩乃得以乘其間至逃出賢士乃泣然著論立說以鄉
守賊號於世安知非天心厭亂之徵乎果其悔禍之萌賊
雖未至宜何如擇賢試能選壯分方土匪之勾結賊徒之
冒入暗偵明探默運潛移我既眾志成城賊已聞風膽落
則今日之善為是書也不過引伸餘緒為有備無患之說
就正高明

國家深仁厚澤二百餘年官吏之賢哲豪傑之奮興必有什

永寧州志補遺

四

百於此者可拭目而觀太平也豈惟默之幸哉

具呈 進士楊茂材舉人 修武謨王與蘭劉端甫 職員

龍天培吳從陽貢生 鄭廷蘭龍運光生員 李枝青黃

如琮黃有華黃河光姚煥章姚琳章李焜徐輝廷王

世或潘德深張鴻謨為懇詳立案永定章程維持學

校事竊辱待師儒地方優恤之善舉培植士子

朝廷作育之

殊恩查道光二十八年蒙歷任 各州主協同紳士修武

謨等籌議貧興銀兩一項 進士 楊茂材貢生 張紹德

職員 龍天培等請府定章程撥作學官月俸裁去報

永寧州志補遺

五

名印儀陋規亦為作養人材起見祇以籌議未協經

費不敷未免上下偏枯地方噴有煩言咸豐元年舉

人修武謨呈請撥回學正扶植學校歷歷有案可據

咸豐三年奉 府憲周行諭新舊齋長裁汰月俸陋

規仍將賓興正款一概撥歸賓興正額閩州士民同

聲頌禱齋長等據實稟復蒙 批另行籌議務期教

官生童均無偏枯庶足惠我膠庠用昭教化洵屬培

植學校至意 進士舉人 等實心仰體邀集新舊齋長

城鄉紳士將學中庄寨銀穀出入數目合盤計算議

定幫添學官薪水士子赴科場費及優免報名印儀
一切條目開單列款呈懇酌定稟府立案則待士既
不至於菲薄奉師亦不嫌其優厚學校章程永垂不
朽為此呈乞

父師大老爺台前賞准施行

一科場送給進場士子場費銀一百五十兩

一每年添幫學師薪水銀一百兩歲科考試兩年彙

童時呈送閒年五月送五十兩十月送五十兩

一歲科考試添幫學師考費銀二十兩府考時奉送

永寧州志補遺

六

一報名禮文童送廉保禮銀一錢五分武童送銀二
錢係照古來舊規

一進學時文武新生均送印儀一兩二錢如逢加

恩之年 恩生亦照一兩二錢奉送再考試後或

有拔補文武新生均照一兩二錢定額奉送

一童生來遞補考文童報名禮二錢廉保禮二錢武

童報名禮三錢廉保禮三錢

一每年請領廉需懇求賜文免送印儀具有出貢補

廩丁三取五均照常規學師如能優免係格外隆

儀不敢置議

一歲考派廩保六名科考派廩保四名俱照補廩次序瀚泐不得徇私求請致壞學規

咸豐四年二月十八日

呈

州尊徐批

據稟籌議各條尚屬平允即可定為章程以垂久遠候稟府立案可也

稟本府憲

敬稟者案奉

永寧州志補遺

七

前憲台周 札飭本署府前在永寧州任內因鄉會

兩試寒士資斧維艱致阻登進之路當勸各紳耆量力捐輸置買田土每年應收租穀變價以作賓興之費近聞此項租息每年送給訓導一百八十金以作薪水查訓導既有廉俸又有學田該州紳耆等何得擅改章程飭即傳齊新舊齋長查明賓興田土每年應收租息若干變銀若干年利若干訓導薪水即行

停止仍將前項銀兩存留以作賓興之費造冊送府

以憑立案等因奉此 卑職 遵即傳齊新舊齋長并紳

士人等飭令查明籌議去後茲據進士楊茂材舉人
修武護王興蘭劉端甫職員龍天培貢生鄭廷蘭生
員李枝青等稟稱緣賓興田土共計四處近年來因
沙壅水淹每年僅收水田租穀及地租包穀共有一
百五十餘石約計變價一百餘金年利銀一百五十
餘兩道光二十九年間吳鈞泰等與州學眾齋長等
因着興田土彼此涉訟蒙

前府憲常 訊明諭令首士等會同酌議經茂材等
議將此項撥銀一百八十兩幫給學師作為薪水至

永寧州志補遺

八

歲科兩考文武童生報名印儀之費概行裁去立有
章程稟府在案今奉飭查茂材等公同籌議報名印
儀業經優免數年茲若仍復收取難免不無煩言且
易滋生事端而學師既無報名印儀可收每歲所領
俸銀為數無幾不敷薪水如將幫給薪水全數停止
似覺偏枯今據酌減每歲送給學師薪水銀一百兩
歲科考試送給盤費銀二十兩餘銀仍作賓興等用
所有籌議一切條目開單呈乞酌定稟府立案則待
士既不致於菲薄而奉師亦不嫌其優厚如此明定

章程庶足永垂不朽等情據此卑職伏查該紳士楊茂材等籌議文武童生報名印儀之費既經裁去數年現在自應仍循舊章不准收取惟查該訓導每年所領俸銀為數無幾不敷薪水若以幫給薪水全數停止資興一款固屬盈餘該訓導未免太覺偏枯似應准如所議每年酌減送給尚屬平允理合開具清摺稟請

大老爺俯賜查核批示立案謹此具稟

咸豐四年二月二十六日永寧州知州徐稟

永寧州志補遺

九

特授安順府正堂加五級紀錄十次劉 批

據稟已悉准如所議辦理

三月初四日奉

附錄

永寧州志補遺校字表

頁次	行	字	原作	何字	現改	作何字	備註
六	七	十二	鄉		鄉		
十七	十	十五	時		祀		
十七	十六	四	間		閒		
二十	三	十三	圮		圮		
二十一	十	十八	重		垂		
二十三	十一	十四	邕		邕		
三十四	六	十一	整		罄		

永寧州志補遺

附錄

一

三十六	六	十一	東		凍		
四十六	一	十五	已		己		
四十九	三	十八	已		己		
四十九	六	十八	已		己		
五十三	十一	一	楮		措		
五十三	十六	十六	楮		楮		
六十	十一	九	官		官		
六十四	二	一	鄉		鄉		
六十五	九	八	櫟		櫟		
七十一	四	二	獲		壘		